

Morning Dogri (NSD) Bulletin 26-02-2025

आकाशवाणी

1. प्रधानमंत्री नरेंद्र मोदी होरें आखेआ जे कुल संसारी अनिश्चितएं दे बावजूद माहिर भारत दी तेजिया कन्नै होआ रदी प्रगति उप्पर सहमत न।
2. कैग रिपोर्ट नै आखेआ जे दिल्ली च आम आदमी पार्टी सरकार दौरान शराब नीति कारण सरकारी खजाने गी 2 ज्हार करोड रपे दा नुकसान होआ ऐ।
3. प्रयागराज च महाकुम्भ मेला 2025 अज्ज महा शिवरात्रि दे मौके सम्पन्न होई जाग।
4. सी.बी.एस.ई नै 2025-26 थमां इक्के बरे च 2 बोर्ड म्तेयान उप्पर मसौदा नीति बारै प्रतिक्रिया मंगी भेजी ऐ।
5. अमरीका ते यूक्रेन इक बड्डे आर्थिक सौदे दा खतरा तैयार करने उप्पर सहमत होई गए न जेदे च जमीनै हेठ बिरले खनिज पदार्थ कड्डा बी शामिल ऐ।
6. मर्दे दी आई.सी.सी चैंपियन्स ट्रॉफी क्रिकेट च अज्ज लाहोर च सेमीफाइनल दा मुकाबला अफगानिस्तान कन्नै होग।

<><><><><><>

PM-Assam

प्रधानमंत्री नरेंद्र मोदी होरें आखेआ ऐ जे असम दा गतिशील कार्यबल ते तेज विकास इसी इक्क प्रमुख निवेशक थाहर दे तौरा पर विकसित करा'रदा ऐ। गुवाहाटी च एडवांटेज असम 2.0 निवेश ते बुनियादी ढांचे सरबन्धी सम्मेलन दे उद्घाटन दौरान प्रधानमंत्री होरें आखेआ जे असम भारत च सेमीकंडक्टर विनिर्माण च इक्क महत्वपूर्ण केंद्र बनारदा ऐ। मोदी होरें आखेआ जे पूर्वी भारत ते पूर्वोत्तर भारत भविकख लेई इक नमीं जाततरा उप्र निकलारदे न ते एडवांटेज असम, असम दी बेशुमार क्षमता ते प्रगति गी दुनिया कन्नै जोड़ने दी इक बड्डी पैहल ऐ। प्रधानमंत्री होरें गलाया जे असं उद्योग नवाचार शा प्रेरित संस्कृति ते बपार करने च सौक्ख गी बढावा देने लेई इक पूरा परिस्थितिकी तंत्र बनाया ऐ।

<><><><><><>

CAG-AAP

कैग रिपोर्ट च आखेआ गेआ ऐ जे दिल्ली च आम आदमी पार्टी सरकार दी शराब नीति सरकारी खजाने गी 2 ज्हार करोड़ रपे दा नुकसान होआ ऐ। रिपोर्ट मूजब आडिट्स नै राश्ट्री राजधानी दिल्ली च शराब दी सप्लाई दौरान आप सरकार दी शराब नीति च कई बेकायदगियां दिक्खियां जेदे कारण 2021-22 बरे दौरान सरकार गी 2 ज्हार करोड़ दा नुकसान झल्लना पेआ।

<><><><><><>

Amit-Shah

केंद्री गृह मंत्री अमित शाह होरें आखेआ ऐ जे मध्य प्रदेश सरकार प्रधानमंत्री नरेंद्र मोदी हुंदे विकास दे मंत्र गी इस्तेमाल करदे होई प्रदेश गी प्रगति दी बत्ता उप्पर अगगे लेआ'रदी ऐ। ओह कल भोपाल च आयोजित 8में कुल संसारी निवेशक सम्मेलन दे समापन समारोह गी संबोधित करा रदे हे। श्री शाह होरें आखेआ जे एह सम्मेलन भारत गी 2047 तगर विकसित राश्ट्र बनाने च सहायक होगा। इस सम्मेलन च 60 मुखें दे 100 शां मते उद्योगपतियें हिस्सा लैता।

<><><><><><>

Mahakumbh

अज्ज महाशिवरात्रि दे मौके पर प्रयागराज च महाकुम्भ मेला 2025 सम्पन्न होई जाग। पूरे मुल्खै थमां आए दे श्रद्धालु अज्ज बहुलै सवेला थमां संगम ते प्रयागराज दे दुए घाटें च पवित्र स्नान करा रदे न। महाकुम्भ मेला 13 जनवरी गी रम्भ होआ हा ते पिछले 6एं हफ्तें च 64 करोड़ 60 लक्ख थमां बी मते श्रद्धालुएं प्रयागराज संगम च पवित्र स्नान कीता। इस महाकुम्भ दौरान दुनिया भरै च मानवता दा सब्भनें शा बड्डा किट्ट लगा ऐ।

<><><><><><>

Railway

रेलवे अज्ज महाशिवरात्रि दे मौके उप्पर महाकुम्भ श्रद्धालुएं लेई उत्तर प्रदेश दे प्रयागराज थमां 350 शा मतियां ट्रेनां चला'रदी ऐ। रेल मंत्रालय नै गलाया ऐ जे महा शिवरात्रि स्नान

मगरा बाद्दू ट्रेनां चलाने लेई चेची बवस्था कीती गेदी ऐ ते प्रयागराज दे कोल बाद्दू रैंक तैनात कीते गेदे ना। उत्तर प्रदेश, बिहार, मध्य प्रदेश, झारखंड, बंगाल सने होर दुए राज्यें थमां बड़ी मती गिनतरी च श्रद्धालु संगम च पवित्तर चलोबी लाने लेई किट्टे होए दे ना। मंत्रालय बक्ख-बक्ख स्टेशनें उप्पर सेहत सरबंधी सहूलतां बी उपलब्ध करवा'रदा ऐ।

<><><><><><>

Maha Shivratri

महाशिवरात्रि दा त्यौहार अज्ज पूरे देश च धार्मिक श्रद्धा कन्नै मनाया जा'रदा ऐ। बड्डले थमां गै बक्ख-बक्ख शिव मंदरें च श्रद्धालुएं दी भीड़ दिक्खी जा'रदी ऐ। शिवरात्रि यानि शिवें दी रात। हिंदू धर्म दे सब्भनें शा बड्डे त्यौहारें च इक्क ऐ जेडा फगन म्हीने च मनाया जंदा ऐ। हिंदू धूर् दी मान्यता मूजब श्रद्धालु अज्ज दे दिन शिवलिंगम पर दुध ते जल चाढदे न ते बिल पत्तर ते भंग भगवान शिव गी अर्पित करदे ना।

<><><><><><>

CBSE

केंद्री माध्यमिक शिक्षा बोर्ड-सी.बी.एस.ई नै शैक्षणिक सत्र 2025-26 थमां 10मीं जमात लेई बोर्ड दे 2 म्तेहान आयोजित कराने दी मसौदा नीति उप्पर प्रतिक्रिया मंगियां ना। मसौदा नीति च सी.बी.एस.ई नै 2 चरणें च 10मीं जमात दे बोर्ड दे मतेआन आयोजित कराने दा प्रस्ताव दित्ता जेदे च पैहला गेड फरवरी शां मार्च तगर ते दुआ गेड मई च होगा। इस योजना कन्नै 15 फरवरी मगरा पैहले मंगलवार शां 10मीं ते 12मीं जमात दे मतेआन शुरू करने दा प्रस्ताव ऐ। सीबीएसई नै गलाया ऐ जे मसौदा नीति राश्ट्रीय शिक्षा नीति 2020 दी 2 सिफारिशें मगरा विकसित कीती गेई ऐ।

<><><><><><>

US-Ukraine

अमरीका ते यूक्रेन इक बड्डे आर्थिक समझौते दा खाका तैयार करने उप्पर सहमति होई गे न जेदे च जमीनै हेठ बिरले खनिज पदार्थें गी कडुना बी शामिल ऐ। यूक्रेन दे ऐहलकारें मूजब इस समझौते कन्नै मेद ऐ जे अमरीका अपनी फौजी मदाद जारी रक्खोग जेदी यूक्रेन गी बड़ी सख्त जरूरत ऐ। अमरीका दे राष्ट्रपति होरें एहदे उप्पर कोई तुरत प्रतिक्रिया नेई दित्ती पर पत्रकारें गी दस्सेआ जे यूक्रेन दे राष्ट्रपति होर इक बड्डे समझौते पर दस्तखत करने लेई शुक्रवारें अमरीका पुज्जा'रदे ना।



Cricket

आई.सी.सी चैंपियन्स ट्रॉफी दे ग्रुप-बी दे मैच च अज्ज दपैहरी लाहौर दे गद्दाफी स्टेडियम च इंग्लैंड ते अफगानिस्तान बश्कार मैच खेड्डेआ जाग। मैच दपैहरी ढाई बजे शुरू होग। इंग्लैंड ते अफगानिस्तान दवें टीमां अपने पैहले-पैहले मैच च हार दा सामना करी चुकी दियां न ते ग्रुप-बी च हेठली थाहर उप्पर न। तोआई, जंदी रातीं लगातार बरखा दे कारण आस्ट्रेलिया ते दक्खन अफ्रीका बश्कार रावलपिंडी स्टेडियम च होने आहला मैच रद्द होई चुके दा ऐ। एहदे चलदे दवें टीमें गी 1-1 अंक मिलेआ ऐ।

